

hominis, sed divini Flaminis sunt verba, quæ Paulus ex Sancti Spiritus afflatu, tanquam arcanorum divinorum Cancellarius, & scribendarum Epistolarum fidelis Secretarius, nobis annotavit. Sic autem l. d. scribit: Μνημόνευε Ἰησοῦν Χριστὸν, ἐγρηγορημένος ἐκ νεκρῶν, ἐκ σπέρματος Δαβὶδ, κατὰ τὸ εὐαγγέλιόν μου. *Vulg. Memor esto, Dominum Jesum Christum resurrexisse à mortuis, ex semine David secundum Evangelium meum. Luth. Halt in Gedächtniß Jesum Christum/ der auferstanden ist von den Todten aus den Samen Davids/ nach meinem Evangelio.*

2. Oraculum hoc Apostolicum non obscure nobis Μνημοσοφία Paschalem de Resurrectione Christi commendat, & accuratum nobis ordinem in ipso verborum sono manifestat. Nam quoad Μνημοσοφίας Paschalis formam, dicit Μνημόνευε, memor esto: quoad amplissimam μνημοσοφίας paschalis Materiam pergit, Dominum Jesum Christum resurrexisse à mortuis, ex semine David: quoad μνημοσοφίας paschalis normam, disertis verbis concludit, secundum Evangelium meum: qua ratione tum argumentum integrum hujus μνημοσοφίας paschalis, totum artificium, quoad formam & materiam exponit, & insuper ipsum fundamentum, vel principium, ipsum DEI verbum, suum Evangelium, adjungit.

3. Nos verò nunc methodo Didascalica procedemus, & potissimum Mnemosophias Paschalis Causas expendemus, cum primis quia pulcherrimus Causarum ordo nobis in hoc Oraculo Canonico luculenter ostenditur. Nam supponitur, & implicite subinnuitur. I. Efficiens Causa, in Imperativo μνημόνευε, vel juxta *Vulg.* in Verbo *Esto*: liquidem hac ratione tum Causa Principalis, vid. Summus Imperator, Spiritus S. seu verus DEUS, tam causa Ministerialis, Paulus Apostolus, & omnis Ecclesie Minister, Paulinum hoc oraculum exponens, vel urgens, tum causa instrumentalis verbum mandati, seu præcepti, non obscurius insinuatur. II. Causa Formalis per verbum μνημόνευε, quoad rem, explicite nobis declaratur. II. Causa Materialis verbis sequentibus explicatur, Jesum Christum resurrexisse ex mortuis, ex semine David, dum hæc μνημοσοφία, juxta præsens oraculum

lum